



О'zbekiston respublikasi vazirlar mahnamasining qarori

20 21 yil « 7 » dekabr

№ 741

Toshkent sh.

Президент таълим муассасалари агентлиги хузуридаги Педагогик маҳорат ва халқаро баҳолаш маркази фаолиятини ташкил этиш тўғрисида

Ўзбекистон Республикаси Президентининг “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар тўғрисида” 2021 йил 19 июлдаги ПҚ-5188-сон қарори ижросини таъминлаш ҳамда Президент таълим муассасалари агентлиги тизимида раҳбар ва педагог ходимларни узлуксиз касбий ривожлантириш, миллий ва халқаро баҳолаш соҳасида олиб борилаётган ишлар самарадорлигини янада ошириш мақсадида Вазирлар Маҳкамаси қарор қиласди:

1. Ўзбекистон Республикаси Президентининг “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар тўғрисида” 2021 йил 19 июлдаги ПҚ-5188-сон қарорининг 11-бандига мувофиқ Президент таълим муассасалари агентлиги (кейинги ўринларда – Агентлик) хузурида юридик шахс мақомидаги Педагогик маҳорат ва халқаро баҳолаш маркази (кейинги ўринларда – Марказ) ташкил этилганлиги маълумот учун қабул қилинсин.

2. Куйидагилар Марказнинг асосий вазифалари ва фаолият йўналишлари этиб белгилансин:

Агентлик тизимидағи раҳбар ва педагог ходимларни узлуксиз касбий ривожлантириш, уларнинг малакасини ошириш курсларини халқаро ташкилотлар билан ҳамкорликда ташкил этиш;

халқаро ташкилотлар билан ҳамкорликда Агентлик тизимидағи таълим муассасаларидағи ўқувчиларнинг билим ва кўникмаларини баҳолаш ва сертификатлаш;

Агентлик тизимидағи таълим муассасалари битирувчиларини якуний давлат аттестациясидан ўтказиш ҳамда миллий сертификатлаш тизимини ишлаб чиқиши ва жорий этиш;

Агентлик тизимидағи таълим муассасалари ўқувчиларининг таълимдаги ютуқларини таълим дастурларига асосланган ҳолда баҳолашни илмий-методик жиҳатдан таъминлаш, такомиллаштириб бориш, таълим сифатини баҳолаш натижалари бўйича илмий асосланган хулоса ва таклифларни Агентлик, Халқ таълими вазирлиги ва бошқа манфаатдор ташкилотларга тақдим этиб бориш;

таълим ва илмий-тадқиқот соҳаларига доир инновацион лойиҳаларни амалга ошириш;

илмий фаолият, педагогик маҳорат ва баҳолаш соҳасида халқаро алоқаларни ўрнатиш, ҳамкорликдаги лойиҳаларни ишлаб чиқиш ҳамда амалга ошириш;

Агентлик тизимидағи педагог кадрларнинг малакасини оширишга кўйиладиган давлат таълим талабларини ишлаб чиқиш.

3. Белгилансинки:

Марказ давлат муассасаси ҳисобланади;

Марказнинг устав фонди миқдори Агентлик томонидан белгиланади ҳамда Президент таълим муассасалари агентлиги ҳузуридаги Иқтидорли ёшларни қўллаб-қувватлаш жамғармаси маблағлари ҳисобидан шакллантирилади;

Марказ директори Агентлик томонидан лавозимга тайинланади ва лавозимидан озод этилади.

4. Куйидагилар Марказ фаолиятини молиялаштириш манбалари этиб белгилансин:

шартнома асосида хизматлар кўрсатищдан, шу жумладан таълим хизматларидан олинадиган даромадлар;

Президент таълим муассасалари агентлиги ҳузуридаги Иқтидорли ёшларни қўллаб-қувватлаш жамғармаси маблағлари;

юридик ва жисмоний шахсларнинг ҳомийлик хайриялари;

халқаро молия ташкилотлари ва хорижий давлатларнинг грантлари ва техник қўмаклашиш маблағлари;

қонунчилик ҳужжатлари билан тақиқланмаган бошқа манбалар.

5. Президент таълим муассасалари агентлиги ҳузуридаги Педагогик маҳорат ва халқаро баҳолаш маркази тузилмаси иловага мувофиқ тасдиқлансан;

Агентлик директорига зарур ҳолларда, Марказ тузилмасига ходимларнинг умумий чекланган сони доирасида ўзгартиришлар киритиш ҳуқуқи берилсин.

6. Агентлик икки ой муддатда:

Марказнинг устави ишлаб чиқилишини, тасдиқланишини ва белгилангандартибида давлат рўйхатидан ўтказилишини таъминласин;

Марказни илмий салоҳиятга эга бўлган юқори малакали раҳбар, мутахассис ва педагог ходимлар билан тўлдириш чораларини кўрсинг.

7. Марказ Тошкент шаҳри, Яшнобод тумани, Махтумкули кўчасидаги Ахборот технологиялари ва коммуникацияларини ривожлантириш вазирлигига қарашли ИТ-парк биносида текин фойдаланиш ҳуқуқи асосида жойлаштирилсин.

8. Мазкур қарорнинг бажарилишини назорат қилиш Ўзбекистон Республикаси Баш вазирининг ижтимоий ривожлантириш масалалари бўйича ўринbosари ҳамда Президент таълим муассасалари агентлиги директори X. Ў. Умарова зиммасига юклансин.


Ўзбекистон Республикасининг
Баш вазири

А. Арипов



Вазирлар Маҳкамасининг
2021 йил "7" декабр даги 741-сон қарорига
илова

**Президент таълим муассасалари хузуридаги Педагогик маҳорат
ва халқаро баҳолаш марказининг
ТУЗИЛМАСИ**



Бошқарув ходимларининг умумий чекланган сони — 24 нафар.

Техник ва хизмат кўрсатувчи ходимлар сони давлат бошқаруви органлари учун ўрнатилган нормативлар бўйича белгиланади.

